

91

V I C E C O M I T A T V S
A B E R D O N I A
E T
B A M F I A,

una cum Regionibus & terrarum tractibus sub iis
comprehensis. E X C A M B D E N O.

M E R N I S. M A R R I A, M A R.



Isce Regionibus Pto-
lemæi seculo sede-
runt *Vernicones*, forsi-
tan iidem qui *Veſtu-
riones* Marcellino. No-
men tamen penitus
intercidit, nisi tantil-
lum ejus in *Mernis* su-
peresse opinemur, V
enim in M in contex-

tu orationis sæpius transit in lingua Britannica.
Hæc *Mernis* regiuncula mari Germanico ob-
versa pingui gleba satis librata camporum ja-
cet planitie. Maxime autem memorandum est
Dunotyr, Castellum arduæ & inaccessæ rupi,
è qua mare despectat, superimpositum, mœni-
bus firmis, turribus intercurrentibus commu-
nitum, quod diu *Keithi* è familia veteri & splen-
didissima, qui virtute Duce consecuti sunt, ut
sint Comites *Marescalli* Regni Scotiæ hæredi-
tarii, hujusque provinciæ *Vicecomites*. [vide Bu-
chananum de bello ubi *Keithi* Danos debella-
runt, nam inde dignitatem *Marescalli* accepe-
runt, quam ab illo tempore possederunt & pos-
sident adhuc.]

Hic in porticu cernitur illa quam modo me-
moravi vexillationis Legionis Vicesimæ anti-
qua Inscriptio, cujus literas illustrissimus Co-
mes qui nunc floret, antiquitatis admirator,
inaurandas curavit. A mari remotior *Fordon*
locatur, cui à Ioanne de *Fordon* aliqua gloria,
qui hinc oriundus *Scotichronicon* magno labore
sedulo congeffit; cujus studio recentiores Sco-
torum historici plurimum debent: sed vetu-
stior gloria à S. Palladii reliquiis hoc in loco
olim ut creditum repositis, qui à Cælestino P.P.
Scotis anno cccc xxxi Apostolus destinatus.
[*Paldykirk* habet nundinas celebres per tres
dies quotannis, ubi frequens mercatorum con-
curfus ad pannos præcipue emendos, quos in
Belgicam transferunt.]

Scotia.

Mari in mediterraneis supra *Mernis*,
Marria ad sexaginta plus minus mill. pass.
se dilatando excurrit; qua latior, Occa-
sum versus, montibus intumescit, nisi qua *Dee* fl.
Ptolemæo *Dira*, & *Donus* fl. sibi viam aperiunt
& campos fecundant. Ad *Doni* ripam *Kildrum-
my*, magno est ornamento, vetus sedes Comi-
tum *Marria*. Nec longe distita est Baronis *For-
bois* habitatio, qui vetusto generis splendore
clari hoc cognomen (cum prius *Bois* voca-
rentur) acceperunt, postquam familiæ hæres
immanem ursum valide trucidasset. Sed ad
ostium majori sunt ornamento duo oppida
quæ ab ostio, quod Britannice *Aber* dicitur,
unum mutuata nomen, sed unius agelli inter-
jectu distincta: alterum citerius, Episcopali di-
gnitate, quam huc à *Murthlaco* viculo R. David
Primus transtulit, pulchris Canonicorum ædi-
bus, pauperum Xenodochio, & scholis bona-
rum literarum publicis, quas Guil. *Elphinston* loci
Episcopus anno cIo cccc lxxx ad erudien-
dam juventutem consecravit, admodum est
nobile, & *Vetus Aberdon* dicitur. Alterum ulte-
rius *Nova Aberdon* Salmonum captura est cele-
berrimum. [Collegium novæ Aberdoniæ fun-
darunt prædecessores *Marescalli* Comitis, re-
gentesque adhuc præsentat; & noviter Tho-
mas Rhedus, vir doctissimus ibi Bibliothecam
publicam, multis & egregiis libris instructam
fundavit, deditque salarium 400 libras per an-
num pro ejus custodia. Exerit professorem Ma-
thæos Dominus Lyddelius, Medicinæ Do-
ctor.] Verum Aberdoniam hisce versibus de-
pingit qui inde oriundus I. Ionstons:

Ad Boream porrecta jugis obfessa superbis,
Inter connatas eminet una Deas.
Mitior argentes Phæbus sic temperat auras,
Non æstum ut rabidum, frigora nec metuas.
Fecundo ditat Neptunus gurgite 3 amnes
Pisces: gemmis alter adauget opes:
Candida mens, frons lata, hilaris, gratissima tellus
Hospitibus: morum cultus ubique decens.

R r

Nobi-

*Kildrum-
my.*

*Ould A-
berdon.
New Aber-
don.
Salmones.
ADDIT.*

Dunotyr.

Keith.

*Comites
Marescalli.
ADDIT.*

*Shiriffdom
of Kink-
erdyne or Mer-
nis.*

Fordon.

S. Palladii.

ADDIT.